

Акафист святому мученику Трифону

Составлен канд. мат. наук Владимиром Анатольевичем Богдановым. Одобрен решением Св. Синода 20 июля 1892 года №1250.

Память: 14 февраля (01 февраля ст. ст.)

Утвержден для общецерковного использования.

Кондак 1.

Избранный от Бóга и к лику святых сопричтенный, святы́й мучениче Трифоне! Моли́ся о нас, грешных, Влады́це Христу́ и помога́й нам побежда́ти мир, плóть и диáвола, многообразно вою́ющая на ны́, якоже победи́л еси́ их благода́тию и си́лою возлю́бленнаго тобою́ Христа́, да, избáвльшеся от врагов́ наших ви́димых и неви́димых, благодарственнó воззовéм ти́:

Рáдуйся, Трифоне, скóрый помóщниче всём, с véрою и любóвию к тебе́ притека́ющим.

Икос 1.

Образу благочестия родителей твоих подража́я, христиáнския нра́вы от лёт малых прия́л еси́, святы́й мучениче, и ма́л сый лёты, ста́р же рáзумом, воистину христиáнин соверше́н яви́лся еси́. Мы́ же, воспомина́юще добродéтельное жити́е твоё, восхваля́ем тя́ си́це:

Рáдуйся, добронравных родителей благочестивый сы́не; ра́дуйся, вели́кое их утешéние.

Рáдуйся, А́нгела твоего́ Хранителя́ непреста́нное весéлие; ра́дуйся, от ю́ности твоея́ всего́ себе́ Бóгу преда́вый.

Рáдуйся, от ю́ности Христа́ возлюбивый; ра́дуйся, от малых лёт благода́ть Бóжию обильно стяжа́вый.

Рáдуйся, ду́шу свою́ непорóчну явивый; ра́дуйся, себе́ самаго́ в храм Духа Свята́го угото́вавый.

Рáдуйся, óтrockом óбраз жити́я свята́го показáвый; ра́дуйся, благочести́ем твои́м véрныя возвеселя́яй.

Рáдуйся, от малых лёт за вся́ сия́ Бóгом возлю́бленный.

Рáдуйся, Трифоне, скóрый помóщниче всём, с véрою и любóвию к тебе́ притека́ющим.

Кондак 2.

Видя Господь, яко волею по стези благочестия, в немже от родителей твоих наставлен был еси, течещи, и яко воистину любиши Бога, сотвори ты в жилище Святаго Духа от лет малых и отверзе уста твоя пети Ему: Аллилуиа.

Икос 2.

Силу веры твоея показуя, Владыка Христос дарова тебе, святой мучениче, еще отроку бывшу, дар чудотворений, сего ради вопием ти:

Радуйся, от малых лет совершенную любовь к Богу показавый; радуйся, заповедей Его не токмо слышатель, но и делатель от младенчества бывый.

Радуйся, от юности твоея добродетели христианския стяжавый; радуйся, от малых лет житием, верою и любовью твоею Богу угодивый.

Радуйся, дар исцелений от Него приявый; радуйся, дар той на пользу ближним иждивающий.

Радуйся, многоразличныя болезни исцеляющий; радуйся, в недужех облегчение дарующий.

Радуйся, страдания в радость обращающий; радуйся, исцеления сия во славу Божию совершающий.

Радуйся, теми истину веры православныя показующий; радуйся, теми нас к славословию Бога возбуждающий.

Радуйся, Трифоне, скорый помощниче всем, с верою и любовью к тебе притекающим.

Кондак 3.

Верою и любовью стяжал еси от Бога власть изгнати духи нечистыя, мучащия человеки и претящия им воспевати Богу: Аллилуиа.

Икос 3.

Видя дарованную ти, святой мучениче, силу Божию, вспять бежаша демони, имиже одержими бяху бесноватии людие. Видящии же сия, воспеваху ти сие:

Радуйся, от Бога власть на нечистыя духи приявый; радуйся, силою Божиею сих изгоняющий.

Радуйся, врагу человеческому вредити людем возбраняющий; радуйся, козни диавола и ангелов его разрушающий.

Радуйся, силу их низлагающий; радуйся, безсилие их являющий.

Радуйся, страхом и трепетом их поражающий; радуйся, веры Христовы силу показующий.

Рáдуйся, вёрных к прославлéнию Бóга воздвизáющий; рáдуйся, в бедáх и скóрбех сýщих прибегáти к предстáтельству святýх наставляющий.

Рáдуйся, в нýждах нáших обращáтися к Бóгу научáющий; рáдуйся, помóщниче нáш, Бóгом нáм даровáнный.

Рáдуйся, Трífоне, скóрый помóщниче всём, с вéрою и любóвию к тебé притекáющим.

Кондáк 4.

Восхотéв тобóю обратíти язýки от путí нечéстия и откры́ти íм пúть íстинный, ведúщий в Живóт Вéчный, сí есть вéру íстинную, вéру правослáвную, дáже до Рíма из Компсáды приведé тя Госпóдь, да и в чертóгах цáрских проповéси Бóга и тáмо мнóгия научíши пéти Емý: Аллилúиа.

Íкос 4.

Хотя́й обратíти мнóгия на пúть спасéния, попусти́ Госпóдь дéмону вселíтися в дщéрь царéву, и жéстоко мúчити и ввергáти ю́ многочáстне во óгнь и вóду. Врáчеве ничтóже успеváху и ничímже страдáния дщéри царéвой утолíти возмогóша. Егдá же и сíльные мíра сегó и всякую врачéбную хíтрость ведúщи ничтóже возмогóша и исповéдаху нéмощь свою́, тогда́ велéнием Бóжиим проглагóла диáвол, я́ко едíн ёсть, íже изгнáти егó íмать, и сé ёсть Трífон. Тогда́ прилэ́жно иска́ху и обретóша егó в Компсáде. Грядúщу же емý и ещё́ далéче от Рíма сýщу, возопí глáсом вéлиим диáвол и изы́де, и исцелé девíца. Вíдящи сия́ дивл́яхуся и глагóлаху:

Рáдуйся, Трífоне, ещё́ далéче сýщий в бéгство диáвола обратíвый; рáдуйся, я́ко диáвол безсíлие пред тобóю исповéда.

Рáдуйся, моля́щимся тебé скóрый помóщниче; рáдуйся, недúгов сíлою Бóжиею целíтелю.

Рáдуйся, остáвленных врачáми на сво́й рúце приéмлющий; рáдуйся, печáли на рáдость пременя́ющий.

Рáдуйся, печáльным утешéние и скорб́ящим рáдование посыла́ющий.

Рáдуйся, Трífоне, скóрый помóщниче всём, с вéрою и любóвию к тебé притекáющим.

Кондáк 5.

Вíдеша вёрнии, íже в Рíме, чúдо, пришéствием тво́им б́ывшее, укрепíшася в вéре своéй и воспéша Бóгу, победíвшему áдскаго змíя и дáрующему вéрующим в Негó тако́вую сíлу: Аллилúиа.

Їкос 5.

Уверѣния ищѣ, тебѣ пришѣдшу в Рѣм, святѣй Трѣфоне, яко ты еси той, егѣже убоѣся дѣмон, моли ты император Гордиан, да явиши и ему и синклиту его, и людем в чувственнем виде диавола, и не отрѣклся еси, но, возложив на ся пост, помолися Господу дний шесть. В день же седьмой, пришѣдшим царю, синклиту и людем, возопил еси: «Тебѣ глаголю, душе нечистый, во имя Господа моего Иисуса Христа явися семо и покажи свой дѣмонский образ здѣ сущим, и безсиліе свое исповеждь...». И бысть тако. И зряху вси безобразіе дѣмонское и дивляхуса вере святаго, вопиюще:

Радуйся, Трѣфоне, егѣже дѣмони ослушати не могут; радуйся, Трѣфоне, по егѣже велѣнію души нечистии в телеснем виде являються.

Радуйся, Трѣфоне, силою Божіею повелѣвый диаволу исповѣдати, яко на христианы, иже святую православную и апостольскую веру содержат, власти не имать; радуйся, Трѣфоне, емуже возвещено бысть, яко дѣмони власть имут мучити токмо тех, иже своим похотѣм греховным слѣдуют и дела, угѣдная диаволу, творят.

Радуйся, Трѣфоне, яко научил еси нас бѣгати языческаго нечестія; радуйся, Трѣфоне, яко научаеши всех бѣгати всякаго греха, в добродѣтелях же подвизатися.

Радуйся, веру православную твердо содержать наставляя нас; радуйся, хотящим благочестно жити помогай.

Радуйся, Трѣфоне, скорый помощникъ всем, с верою и любовію к тебѣ притекающим.

Кондак 6.

Видевше, како младо отроча повелевает властно духовом злобы поднебесным, убояхуса мнози, и слышаще от дѣмона и видяще воочию, якову силу имать вера Христова, обратися к Богу; нечестіе же и прочая заблужденія своя отложше, крестися и усты своими от сердца чиста благодарственно воспѣша Богу пѣснь: Аллилуиа.

Їкос 6.

Благодаряще ты, царь вложи в рuce твои, мучениче, дары и злато, ты же, Христа Бога приобретый, ни во что же вменил еси вся, яже в мире сем яко блага почитаются, и приял еси дары царицы, да послужиши сими ближним твоим, и шѣд во отечество твоѣ Компсаду, дал еси вся нищим, сирым и всем в нуждѣ сущим, непрестанно памятуя, яко расточив богатство земное, тленное, соберѣши

себе на Небесі богатство нетлѣнное, вѣчное. Мы же, научаемии тобою такожде творити, вопиѣм ти сице:

Радуйся, Трифоне, душу свою чужду сребролюбия показавый; радуйся, милосердие души твоея вину являяй.

Радуйся, нищих питатель бывый; радуйся, неимущим сострадание показавый.

Радуйся, заповедь Христа «Просящему у тебе дай» исполнявый; радуйся, и нас исполнять заповеди Божии научивый.

Радуйся, якоже шествием в Рим и возвращением твоим в Компсаду многих утешивый, ободривый и возвеселивый; радуйся, показавый нам образ, како богатством гибнущим на земли негиблющее богатство на Небесі собиратьи.

Радуйся, ближним служить нас научающий; радуйся, ближних любить нас наставляющий.

Радуйся, образ жития праведнаго нам показующий; радуйся, яко правило веры в Бога, надежды на Него, любви к Нему и ближним и прочим христианских добродетелей яви нам собою.

Радуйся, Трифоне, скорый помощниче всем, с верою и любовью к тебе притекающим.

Кондак 7.

Взыде на престол римский нечестивый царь Декий, и пролияся по вселенней кровь христианская. Приблизися время, егда и тебе, святой мучениче, суди Господь подъяти страдания, да кровию и мученичеством твоим запечатлеши веру и великую свою любовь к Богу и тем до конца низложиши сопротивныя силы и наставиши многих, да грядут на мучения, радуящися, якоже и ты, страстотерпче, и поюще Богу: Аллилуиа.

Икос 7.

Яко укрытися не может град верху горы стояй, тако и тебе, святой мучениче, гонению от Декия царя на христиан бывшу, невозможно бысть укрытися от мучителей, ибо ты, яже без страха Христа всем исповедав, силою слова обращение многих ко Христу устроил и многия от недуг именем Его исцелил еси. Уведевше же о тебе, святой Трифоне, игемон Аквилин, взя тя и пред судищем постави, ты же вся грядущая на тя в руке Бога твоего предал еси, радуяся яко и тя сподоби Господь быти общника страданий Его, и вернии, видяще ревность твою по Бозе, вопияху ти:

Радуйся, Трифоне, ко спасению многих приведый; радуйся, многих от зловерия к вере истинней, православней обративый.

Рáдуйся, чудесы твоими, силою Бóжиею содеянными, в вере, ими воспріятой, их утвердивый; радуйся, яко дѣйственная вера твоѧ в Бóга вѣну всем по всей вселенней явися.

Рáдуйся, безмѣдный врачѹ, силою Бóжиею, якоже дрѣвле, такожде и ныне всякую болѣзнь скоро врачующий; радуйся, надеждо оставленных врачами.

Рáдуйся, скорое утешение болящих, к тебѣ с молитвою прибегающих; радуйся, небоязненно проповѣдавый Христóву веру.

Рáдуйся, от неверных за проповедь Христа Бóга на мучение ятый; радуйся, не утрашивыйся грядущаго мучения.

Рáдуйся, научающий нас не бояться человеческих прещений; радуйся, во всем на Бóга упование возложивый.

Рáдуйся, Трифоне, скорый помощниче всем, с верою и любовию к тебѣ притекающим.

Кондак 8

Услышав, яко ищут тя воины, не утайся еси от них, мучениче, ни в горах, ни в пустынях, но, оградився молитвою и крестом, дерзновенно себе предал еси в рѹце мучителей и с радостию великою стопы твоѧ направил еси в Никѣю, да возвестиши всем веру истинную и наставиши пѣти Бóгу: Аллилуѧ.

Икос 8.

Егда вопроси тя игемон на судилище: «Кто еси, каѧ судьба твоѧ, и како веруеши?», ты, не обинюѧся, отвещал еси ему сѣце: «Трифон имя мое; отечество — Компсада; судьбы же несть у нас, зане веруем, яко вся Промыслом Бóжиим бывають. По вере же — христианин есмь, Христос же есть и моя сила, и моя крепость, и слава, и радость моя». Сие исповѣдание твоѣ слышаще, ублажаем тя, святый Трифоне, сѣце:

Рáдуйся, неправедному судилищу дерзновенно представый; радуйся, верующих в промысл Бóжий укрепляяй.

Рáдуйся, люди, живот свой судьбѣ вверяющия, посрамляяй; радуйся, научаяй нас во всем упование наше на Бóга возлагати.

Рáдуйся, вѣну себе быти служителя Христóва исповѣдуяй; радуйся, исповѣданием тем веселие верным даруяй.

Рáдуйся, соборища нечестивых исповѣданием святым отлучивыйся; радуйся, грядущих мучений от нечестивых за исповѣдание истиннаго Бóга не утрашивыйся.

Рáдуйся, и́стину еди́ную, Божéственную возлюбíвый; рáдуйся, лжи́ и отца́ ея́, диáвола, отверги́йся.

Рáдуйся, Христа́ твои́м упова́нием имену́яй; рáдуйся, Его́ своёю крéпостию нарица́яй.

Рáдуйся, Три́фоне, ско́рый помо́щниче всём, с véрою и любóвию к тебе́ притека́ющим.

Конда́к 9.

Слы́шавше твоё испове́дание, я́рости испо́лнишася нечести́вии и прещáху ти́ ранами́ и мучéнием. Ты́ же, мучени́че Три́фоне, подъя́тие страда́ний за Христа́ весели́ем почита́я, зыва́л еси́ немóлчно Бо́гу пéснь: Аллилу́иа.

И́кос 9.

Ветия́ многовещáнный Аквилíн ви́дя, я́ко ты́ не убо́ялся еси́ прещéний лю́тых, я́ко овча́ крóткое яви́ся, ища́ прельсти́ти тя́ словесы́ ласка́тельными, но, ничто́же успева́я, па́ки в во́лка лю́таго обра́щся, усугубля́ше прещéния своя́. Ты́ же твёрд и непоколебíм пребы́л еси́ благода́тию Бо́жиею, воздвиза́я véрных возглаша́ти тебе́ сицевáя:

Рáдуйся, прещéний лю́тых не убо́явыйся; рáдуйся, сме́рти телéсной не устраши́выйся.

Рáдуйся, ду́шу свою́ за véру правосла́вную положи́ти не отрékшийся; рáдуйся, рáзум соверше́нный в то́м положи́вый, да сохрани́ши véру и́стинную во Еди́наго Бо́га.

Рáдуйся, не к земне́й, но к Небе́сней му́дрости устремíвыйся; рáдуйся, игéмону, врагу́ твоemú, спасéния желáвый.

Рáдуйся, к позна́нию и́стиннаго Бо́га приве́сти мучи́теля твоего́ тща́выйся; рáдуйся, проповéдниче Христо́в сладкогласный.

Рáдуйся, христиáнине, Христо́м возлюбленный; рáдуйся, во́лею на страда́ния шéдый.

Рáдуйся, мучéний те́х за Христа́, я́ко сокрóвища, хоте́вый; рáдуйся, во вре́мя мучéний лю́тых Божéственным све́том осия́нный.

Рáдуйся, Три́фоне, ско́рый помо́щниче всём, с véрою и любóвию к тебе́ притека́ющим.

Конда́к 10.

Услы́шав ты́ глаго́лавша, я́ко не испове́дующих и́стинныя, правосла́вныя véры жре́бий е́сть о́гнь неугасíмый, зело́ разгне́вася Аквилíн и повеле́ ты́, святы́й

Трифоне, повесив, б́ити; ты́ же, в повелении́ се́м услы́шав Госпо́день глас, призыва́вший ты́ на страда́льческий по́двиг, возопи́л еси́ Бо́гу: Аллилу́иа.

И́кос 10.

Я́ко свещá огнём возгара́ется, та́ко душа́ тво́я, святы́й Трифоне, возгоре́ся любóвию к возлюб́ившему ты́ Бо́гу, и, услы́шав повеление́ иге́мона, е́же на ты́, са́м совлéкл еси́ ризы́ тво́я и тéло твоё́ преда́л еси́ в рúце мучи́телей, да сотворя́т вся́, я́же повелé иге́мон. Зря́ще такову́ю ре́вность твою́ по Бо́зе, вси́ ве́рнии глаго́лаху:

Ра́дуйся, с веселием угото́вавай себе́ к приятию́ ран за Христа́; ра́дуйся, риз своих совлеки́йся ра́ди обнаже́ннаго не́когда за грехи́ на́ша Искупи́теля.

Ра́дуйся, доброво́льно в рúце мучи́телей себе́ преда́вай, Христу́ подража́я; ра́дуйся, от них связа́нный и пове́шенный на муче́ние.

Ра́дуйся, прия́вый за Христа́ лю́тая ударения́; ра́дуйся, три́ часа́ терпе́вый неща́дное биение́.

Ра́дуйся, мучиму́ бывшу, ни еди́наго стенания́ и ни еди́наго гласа́ испусти́вый; ра́дуйся, биения́, у́зы, ра́ны, опале́ния и ины́я многоразли́чныя страда́ния претерпе́вый.

Ра́дуйся, в молча́нии прия́вый ударения́, от нихже́ ра́нами изъязвися́ тéло твоё́; ра́дуйся, страда́нием твои́м си́лу Бо́жию просла́вивый.

Ра́дуйся, терпением твои́м мучи́телей посрамíтый; ра́дуйся, по́двигом твои́м христиа́н возвесели́вый.

Ра́дуйся, Трифоне, ско́рый помо́щниче всём, с ве́рою и любóвию к тебе́ притека́ющим.

Конда́к 11.

Ви́деша терпение́ и по́двиг тво́й, святы́й Трифоне, ещé же и адама́нтову крёпость твою́, просла́виша предстоя́щие лю́дие Подвигополо́жника Христа́ Бо́га пёснию: Аллилу́иа.

И́кос 11.

Я́ко стéну твёрду́ и непоколеб́иму ви́де ты́ нечестíвый судия́, обаче́ не просла́ви Бо́га, дарова́вшего тебе́ крёпость си́ю, но па́че тща́шеся склонíти ты́ и ле́стию и стра́хом сме́рти, да принесёши́ жёртву́ бесово́м. Ты́ же, святы́й мучени́че, испове́дав во у́шию все́х ве́ру Христо́ву, обличи́л еси́ безу́мие гони́телей и показа́л еси́ му́дрость те́х, и́же во Христа́ ве́руют; иге́мон же, измышля́я на ты́ ины́я мучения́, повелé ты́ со столпа́ сняти́ и, привяза́в к коню́ своему́, влече́ за собо́ю. Мы́ же потщи́мся просла́вити страда́ния тво́я си́це:

Рáдуйся, уязвленный телом и за конём быстро влекóмый; радуйся, хлад зímний претерпéвый.

Рáдуйся, научáяй нас в скóрбех земных ум свой к Бóгу устремляти; радуйся, наставляяй в мире сём хладном согреватися любóвию, яже к Бóгу.

Рáдуйся, делом нам показуяй, како подобает ни во что же вменяти скоропреходящая на земле страдания; радуйся, любвё и милосёрдия ко всём людем исполненный.

Рáдуйся, ради любвё тоя за враги твоя молитвы Бóгу возносíмый; радуйся, паки в темницу ввёрженный и в заточении лютом томление, муку и болезни претерпéвый.

Рáдуйся, ясно являющий, яко лютéйшая страдания земная ничтоже суть, аще к Бóгу прибегают людие и Бóга ради терпят скóрби и раны; радуйся, на усекновение главы твоея радостно шéдый и пред усекновением тем в рúце Бóга твоего, Егóже ради вся лютая подъял еси, дúшу свою святую предавый.

Рáдуйся, прежде усекновения моливыйся о всяком, иже воспоминати ты и в пáмять твою святыя жéртвы приносíti будет, да услышит егó Госпóдь и всякое прошéние егó исполнит; радуйся, по успении твоём в видении повелéвый погребсти ты во отечестве твоём, научая тем и нас своё отечество любóити.

Рáдуйся, Трифоне, скóрый помощнике всём, с véрою и любóвию к тебе притекающим.

Кондак 12.

Не токмо на земли, святыи мучениче, был еси помощник и заступник всём, твоея помощи требующим, но и по смерти не перестаёши избавляти от бед к тебе с véрою и любóвию притекающих, якоже избáвил еси царскаго гнёва болярина Трифона, егда внезапно явился ему на коне и дал еси ему отлетевшаго царскаго сокола. Оный же Трифон сокольник на месте сём, идеже ему от тебе помощь явился, во благодарение тебе за избавление своё воздвиге святыи храм во имя твоё, мучениче Трифоне. Мы же благодеяния, от тебе бывшая, воспоминающе, возносим благодарственную Бóгу пéснь: Аллилуиа.

Икос 12.

Поюще твоя многоразличная чудеса, твою дивную и скорую помощь, яко никогóже усérдно прибегающаго к тебе с véрою, любóвию и упованием никогдаже отрёнул еси, но всех к тебе притекающих и пред святою иконою твоею смиренно молящихся от внезапных бед и скорбей избавляеши, прочее время живота их во благо устрояеши, недúзи врачуеши, печали утоляеши и

кому́ждо в беда́х и ско́рбех к тебе́ припа́дающему по́мощь и осла́бу да́руеши, благода́рне восхваля́ем тя́ си́це:

Ра́дуйся, на́ша моле́ния и проше́ния прие́мляй; ра́дуйся, за ны́ пред Престо́лом Бо́жиим моля́щийся.

Ра́дуйся, от Бо́га ми́лости на́м непреста́нно прося́щий; ра́дуйся, от неча́янных бе́д и зо́л непрело́жное на́ше избавле́ние.

Ра́дуйся, от бе́д и напа́стей, двíжимых на ны́ грéх ра́ди на́ших, ско́рое прибе́жище; ра́дуйся, мно́гия слéзы, от ско́рби пролива́емая, изсуши́вый.

Ра́дуйся, мно́гия печа́ли утоли́вый; ра́дуйся, я́ко никто́же припа́дый ко святе́й ико́не твоёй то́щ от не́я оты́де.

Ра́дуйся, вся́каго притека́ющаго к тебе́ под кро́в сво́й и заступле́ние прие́мляй; ра́дуйся, здра́вия тре́бующим ско́рое исцеле́ние.

Ра́дуйся, оста́вленных врача́ми и ра́ди неисцельных и тяжких неду́г сво́их ча́ющих себе́ сме́рти, ско́рое и безме́здное врачевáние; ра́дуйся, и ны́не, я́коже и дре́вле, жи́ву ти́ су́щу, неизсяка́емый исто́чнице неизче́тных и многообра́зных чудотворе́ний.

Ра́дуйся, Три́фоне, ско́рый помо́щниче все́м, с ве́рою и любóвию к тебе́ притека́ющим.

Конда́к 13.

О святы́й му́чениче Три́фоне! Приими́ си́е ма́лое, оба́че от любя́щих и благода́рных серде́ц приносíмое тебе́ на́ше моле́ние, вознеси́ ко Го́споду Бо́гу те́пल्या моли́твы тво́я за ны́, недостóйныя: боля́щия исцели́, печа́льныя уте́ши, заблúждшия вразуми́, бе́дствующим помози́, и вся́ на́м потре́бная для здра́вия телéснаго и спасе́ния душе́внаго у Бо́га Щедро́давца испроси́, наипáче же избáви на́с от лука́вых бесо́в, да па́мятуя вы́ну тво́я дивная́ о на́с заступле́ния, просла́вим Бо́га, дарова́вшаго на́м тако́ваго моли́твенника, цели́теля и чудотво́рца, воспева́юще пéснь: Аллилу́иа.

Этот конда́к чита́ется трижды, затем 1-й и́кос и 1-й конда́к.

И́кос 1.

Обра́зу благоче́стия роди́телей тво́их подража́я, христиáнския нра́вы от ле́т ма́лых прия́л еси́, святы́й му́чениче, и ма́л сый ле́ты, ста́р же ра́зумом, вои́стину христиáнин соверше́н яви́лся еси́. Мы́ же, воспомина́юще добродéтельное жити́е твоё, восхваля́ем тя́ си́це:

Ра́дуйся, добронра́вных роди́телей благочестíвый сы́не; ра́дуйся, вели́кое их утеше́ние.

Рáдуйся, А́нгела твоего́ Хранителя́ непреста́нное весе́лие; ра́дуйся, от ю́ности твоея́ всего́ себе́ Бо́гу преда́вый.

Рáдуйся, от ю́ности Христа́ возлюбивый; ра́дуйся, от ма́лых лёт благода́ть Бо́жию оби́льно стяжа́вый.

Рáдуйся, ду́шу свою́ непоро́чну явивый; ра́дуйся, себе́ самаго́ в хра́м Ду́ха Свята́го угото́вавай.

Рáдуйся, о́троком о́браз жития́ свята́го показáвай; ра́дуйся, благоче́стием твои́м ве́рныя возвеселя́й.

Рáдуйся, от ма́лых лёт за вся́ сия́ Бо́гом возлю́бленный.

Рáдуйся, Три́фоне, ско́рый помо́щниче все́м, с ве́рою и любóвию к тебе́ притека́ющим.

Конда́к 1.

Избра́нный от Бо́га и к ли́ку свята́х сопричте́нный, свята́й му́чениче Три́фоне! Моли́ся о на́с, грешных, Влады́це Христу́ и помога́й на́м побежда́ти ми́р, плóть и диа́вола, многообра́зно вою́ющая на ны́, яко́же победи́л еси́ их благода́тию и си́лою возлю́бленного тобо́ю Христа́, да, изба́вльшеся от враго́в на́ших ви́димых и неви́димых, благода́рственно воззове́м ти́:

Рáдуйся, Три́фоне, ско́рый помо́щниче все́м, с ве́рою и любóвию к тебе́ притека́ющим.

Моли́тва.

О свята́й му́чениче Христо́в Три́фоне, ско́рый помо́щниче и все́м к тебе́ прибега́ющим и моля́щимся пред свята́им твои́м о́бразом скоропослу́шный предста́телю! Услы́ши у́бо ны́не и на всякий ча́с молéние на́с, недостóйных рабо́в твои́х, почита́ющих свята́ю па́мять твою́, и предста́тельствуй о на́с пред Го́сподем на всяком ме́сте. Ты́ бо, уго́дниче Христо́в, в вели́ких чудесе́х возсия́вый, прэ́жде исхо́да твоего́ от жития́ сегó тле́ннаго моли́лся еси́ ко Го́споду и испроси́л еси́ у Него́ да́р сей: а́ще кто́ в како́й-ли́бо ну́жде, бедé, печáли и болéзни душе́вной или́ телéсной призывáти начне́т свята́е и́мя твоё, то́й да изба́влен бу́дет от всяка́го прило́га зла́го. И яко́же ты́ ино́гда дщéрь царéву, во гра́де Ри́ме от диа́вола му́чиму, исцели́л еси́, си́це и на́с от лю́тых его́ ко́зней сохрани́ во вся́ дни́ живота́ на́шего, наипáче же в де́нь стра́шный послéдняго на́шего издыхáния предста́тельствуй о на́с. Бу́ди на́м тогда́ помо́щник и ско́рый прогоните́ль лука́вых духо́в, и к Ца́рствию Небе́сному предводи́тель. И иде́же ты́ ны́не предстои́ши с ли́ки свята́х у Престо́ла Бо́жия, моли́ Го́спода, да сподо́бит и на́с причáстники бы́ти присносу́щнаго весе́лия и ра́дости, да с тобо́ю кúпно удосто́имся сла́вити Отца́ и Сы́на и Свята́го Уте́шителя Ду́ха во ве́ки. Ами́нь.

